



Бекітемін:

Мектеп директоры

Абдикаримова

2022 жыл

**«Ақмола облысы білім басқармасының Қорғалжын ауданы бойынша
білім бөлімі Қорғалжын ауылдының Ақтан Төлеубаев атындағы жалпы
орта білім беретін мектебі» коммуналдық мемлекеттік мекемесінің
ІШКІ ТӘРТІП ЕРЕЖЕСІ**

1. Жалпы ережелер

1.1. Ақтан Төлеубаев атындағы (бұдан әрі-мектеп) негізгі іс-әрекеті білім алу болып табылатын жалпы Ішкі тәртіп ережелері Қазақстан Республикасының «Білім туралы» Заңына, мектеп Жарғысына сәйкес әзірленді.

1.2. Ішкі тәртіп ережесі - қызметкерлерді жұмысқа қабылдау және жұмыстап шығару, еңбек келісім шарттарына қол қойған тараптардың міндеттері мен жауапкершіліктері, оқушылар мен педагог қызметкерлердің жұмыс тәртібі, демалыс уақыты оқушылар мен педагог қызметкерлерді марапаттау мен оларға тәртіптік шара колдану, сонымен катар еңбек қатынастарын реттеуге қатысты мәселелерді шешуге, бағытталған білім мекемесін басқарудың үлгілі ережесі болып табылады. Ереже білім мекемесінің Жарғысына, ҚР Еңбек Кодексіне, ҚР «Білім туралы» Заңына және басқа да заңнамаларға сәйкес дайындалды. Ішкі тәртіп ережелерін білім мекемесінің әкімшілігі, қызметкерлер мен білім алушылар орындауға міндetti.

2. Қызметкерлерді жұмысқа қабылдау және жұмыстап шығару тәртібі

2.1. Жұмысқа қабылдау барысында қызметкер төл құжатын; еңбек кітапшасын; әскери міндетті тұлғалар әскери тіркеу құжатын; зейнеткерлік жинақтау қорының кәулігі; медициналық тексеруден өткендігін растайтын медициналық кітапшасын; білім және біліктілігі туралы құжатты көрсетуге міндetti.

2.2. Егер еңбек келісім шарты бірінші рет дайындалса, онда мемлекеттік зейнеткерлік сақтандыру кәулігі мен медициналық кітапша алғаш рет жұмыс беруші толтырады.

2.3. Еңбек кітапшасы қызметкердің еңбек қызметі туралы мәліметтерді, үйымдағы еңбек қызметі мен ҚР Еңбек Кодексінің нормаларына сәйкес еңбек шартын тоқтатудың себептері туралы жазбаларды қамтитын құжат болып табылады.

2.4. Еңбек шарты бойынша қызметкер сыйақы үшін тиісті біліктілігі бойынша жұмысты (еңбек функциясын) атқарады және еңбек тәртіптемесін сақтайды, ал жұмыс беруші еңбек жағдайларын қамтамасыз етеді, қызметкерге Қазақстан Республикасының еңбек заңнамасында, еңбек шартында, ұжымдық

шартта, тараптардың келісімінде көзделген жалақыны уақтылы және толық көлемінде төлейді және өзге де төлемдерді жүзеге асырады.

2.5. Еңбек шарты жазбаша нысанда кемінде екі дана етіп жасалады және оған тараптардың қолдары қойылады. Еңбек шарты бір-бір данадан қызметкер мен жұмыс берушіде сақталады. Қызметкердің еңбек шартының бір данасын алуды жазбаша нысанда расталады.

2.6. Еңбек шартында қызметкердің тапсырылатын жұмысқа біліктілігінің сәйкестігінің тексеру мақсатымен сынақ мерзімі туралы талап белгіленуі мүмкін. Бұл талап еңбек шартында болмаса, қызметкер жұмысқа сынақ мерзімінсіз қабылданды деп есептеледі.

2.7. Қызметкерді жұмысқа қабылдау және жұмыстан шыгару білім мекемесінің бүйректерімен рәсімделеді және сәйкесінше қызметкердің еңбек кітапшасына жазба жазылады.

2.8. Өзіне берілген тапсырмаларды, бүйректарды орындаған жағдайда атқарылатын іс-әрекеттер:

- а) Ескерту
- ә) Сөгіс
- б) Қатаң сөгіс
- в) Жұмыстан босату.

3. Қызметкерлердің негізгі міндеттері

3.1. Білім мекемесінің барлық қызметкерлері:

- 1) адал және ниеттілікпен жұмыс істеуге, мектептегі тәртіптің негізі болып табылатын еңбек тәртібін сақтауға, мектеп әкімшілігінің тапсырмаларын дер кезінде және нақты орындауға кедергі әрекеттерден бас тартуға;
- 2) еңбек қауіпсіздігі талаптарын, өндірістік санитарияның, еңбек гигиенасын және өрт қауіпсіздік ережелерін сақтауға;
- 3) бір қалыпты жұмысқа кедергі келтіретін себептер мен жағдайларды болдырмау шараларын қолдануға және болған жағдай туралы әкімшілікке хабарлауға;
- 4) материалдық құндылықтар мен құжаттарды сақтау ережелерін орындауға;
- 5) білім мекемесінде тағайындалған зияткерлік меншіктің, мектептің қызмет және коммерциялық сиррын корғау тәртібін сақтауға;
- 6) мектептің меншігін күтіп сақтауға, жабдықтарды (компьютерлер мен оргтехниканы) тиімді пайдалануға, техникалық және оку құралдарын ұқыпты ұстауға, материалдарды, электр әнергиясын, отынды және басқа да материалдық ресурстарды үнемдеп жұмсауға;
- 7) мектеп директорының нұсқауларын дер кезінде және дәл орындауға;
- 8) өзінің кәсіби біліктілігін арттыруға міндетті.

4. Білім мекемесіндегі әдістемелік бірлестік жетекшілерінің міндеті

4.1. Әдістемелік бірлестік жетекшілері:

- 1) өзінің мамандығы бойынша әдістемелік және оқыту жұмыстарын жоғары ғылыми деңгейде жүргізуғе;
- 2) оқушылардың мектептің ішкі тәртіп ережелерін орындауына және мектеп

меншігін (оку бөлмелеріне, мұлікке, оку құралдарына, оқулыктарға және т.б) ұқыпты пайдалануына айрықша көніл бөле отырып, оларды тәрбиелеу жұмыстарын жүзеге асыру;

3) ғылыми зерттеу жүргізуге; осы зерттеу нәтижесін мектепте тағайындалған тәртіппен пайдалануға;

4) теориялық білімін, тәжірибесін, ғылыми жұмысты жүргізу әдістерін, педагогикалық шеберлігін жетілдіруге;

5) мектеп тұлектерімен тұрақты байланысты жүзеге асыруға, олардың өндірістегі қызметтерін зерттеуге және осы талдау негізінде оқушыларды оқыту мен тәрбиелеу жұмыстарын жетілдіруге міндетті.

5. Қызметкердің негізгі құқықтары

5.1. Мектеп қызметкерлері:

- 1) қауіпсіздік пен гигиена талаптарына сәйкес келетін еңбек жағдайына;
- 2) ҚР Еңбек Кодексінде қаралған тәртіптік ережелер мен талаптарға сәйкес еңбек шартын жасауға, өзгертуге, тоқтатуға;
- 3) еңбек шартында қарастырылған жұмыспен айналысуға;
- 4) уақытылы және толық көлемде еңбек ақы алуға;
- 5) жұмыс уақытының ұзақтығының белгіленген шегін камтамасыз ететін демалыс алуға, мереке күндері демалуға, мектеп директорымен бекітілген ақылы кезекті еңбек демалысына (28 күнтізбелік күннен кем емес) шығуға;
- 6) ҚР Еңбек Кодексінде белгіленген тәртіпке сәйкес еңбек шартында көрсетілген міндеттерін атқару барысында алған жарақаттарға және т.б байланысты төлемакы алуға;
- 7) денсаулығына және жасының ұлғаюна байланысты әлеуметтік камтамасыздандыруға;
- 8) өзінің еңбектік құқықтары мен еркіндігін сот арқылы қорғауға;
- 9) іскерлік келбетін, абыройы мен ар-ожданың қорғауға;
- 10) өзінің еңбек құқықтарын, еркіндігін және занды қызығушылықтарын заңда қарастырылған шенберде қорғауға;
- 11) мектеп дресскодын (арнайы қабылданған) сақтауға;
- 12) кәсіподак ұйымына мүше болуға құқылы.

6. Мектеп оқушыларының міндеттері

6.1. Мектеп оқушылары:

- 1) теориялық білімі мен практикалық дагдыларын терең және жүйелі менгеруге;
- 2) міндетті оқу сабактарына қатысуға және оқу жоспарлары мен бағдарламаларында қарастырылған тапсырмалардың барлық түрлерін бекітілген мерзімде орындауға;
- 3) мектептің ішкі тәртіп ережелерінің талаптарын орындауға;
- 4) себепті жағдайларға байланысты сабакқа қатыспаған күннің ертеңіне сынып жетекшісіне себебін хабарлауы және себепті жағдайды растайтын құжат көрсетуге міндетті. Ауырып қалған жағдайда сынып жетекшісіне емдеу

- мекемесінің бекітілген тәртіптегі анықтамасын көрсетуге;
- 5) сынып бөлмесіне мұғалімдер, сынып жетекшісі, мектеп әкімшілігі кіргенде орнынан тұруға;
- 6) мектептің меншігіне (сынып бөлмелеріне, компьютерлер мен және оргтехникаға, оқу құралдарына, кітаптарға, және т.б) ұқыпты пайдалануға міндettі; оқушыларға мектеп әкімшілігінің рұқсатынсыз мектептен оқу құралдарын және басқа да заттарды алып кетуге болмайды;
- 7) тәртіпті және ұқыпты болуға;
- 8) оқу бөлмелерінде тәртіп пен тазалықты сақтауға;
- 9) мектептің қоғамдық өмірі мен қоғамдық пайдалы енбекке белсенді, өзінің құрбыларының арасында ғылыми білімді насиҳаттауға қатысуға міндettі.
- 10) мектепте ұялы телефон және бағалы заттар әкелуге тыйым салынады;
- 11) жас ерекшелігіне, жынысына, физикалық мүмкіндіктеріне, гигиегна талаптары мен нормаларына сәйкес, өзіне-өзі қызмет көрсету және басқа қоғамдық пайдалы жұмыстарды орындау, әр түрлі жұмыстар атқару барысында қауіпсіздік ережелерін сақтау, ұстану;
- 12) жасты балалар мен өздерінен үлкендерімен араласуда қоғамдық тәртіпті ұстануға міндettі.
- 13) білім алушылар білім беру ұйымдарында белгіленген киімм үлгісін сақтауға міндettі, хиджаб киуге тыйым салынады;
- 14) мектеп ғимаратында, оқу кабинеттеріндегі құрылғыларды, мектеп жиһаздарын ұқыпты пайдалану.

6.2. Білім алу тәртібін, мектептің ішкі тәртіп ережелерін сақтамағаны үшін мектеп әкімшілігі оқушыларға ескерту, сөгіс заңда қарастырылған жағдай шенберінде мектептен шығару сияқты әр түрлі тәртіптік жазалар қолдана алады.

7. Мектеп әкімшілігінің міндettтері

- 7.1. Мектеп әкімшілігі педагогтардың және мектептің басқа да қызметкерлерінің қызметтері мен мамандықтарына байланысты еңбегін ұйымдастырады.
- 7.2. Мектеп әкімшілігі қызметкерлерді жұмыс орнымен уақытылы қамтамасыз етуге тиіс. Қызметкерлер берілген тапсырмамен таныстыруы және жұмыс күннің барысында жұмыспен қамтамасыз етіледі.
- 7.3. Мектеп әкімшілігі:
- 1) еңбек қауіпсіздігі жағдайын жасауға, жұмыс істеп тұрған құрылғымен қамтамасыз етуі тиіс; мұғалімдерге уақытылы сабак кестесін хабарлауға;
- 2) оқу жылына арналған оқу-әдістемелік, ғылыми-зерттеу және басқа да педагогтар құрамының орындастырын жұмыстарына сәйкес жоспарларды бекітуі тиіс;
- 3) заманауи өндіріс талаптарына, ғылымның, техниканың және мәдениеттің жаңа жетістіктеріне, оларды дамыту мен еңбекті ұйымдастыру болашағына сәйкес оқушыларды тәрбиелеу мен оқыту сапасын жақсарту үшін жағдай жасауы тиіс оқытудың озық әдістерін зерттеу мен енгізуі ұйымдастыруы тиіс;
- 4) қызметкермен, оқушылармен тәрбие жұмысын жүзеге асыруы, мәдени-

- тәрбие жұмыстарын, дene шынықтыру және көркем шығармашылық сабақтарын өткізуге жағдай жасауға тиіс;
- 5) қоғамдық ұйымдардың, мұғалімдердің, басқа да қызметкерлердің, сонымен қатар оқушыларының мектеп жұмысын жақсартуға бағытталған, үздік қызметкерлерді колдау мен марапаттауға бағытталған ұсыныстарды уақытылы қарауы және енгізуі тиіс;
- 6) еңбек және өндірістік тәртіпті сактауды қамтамасыз етуі, еңбек тәртібін бұзғандарға шара қолдануы тиіс;
- 7) еңбек және енбекті қорғау зандарының сакталуын бақылауы; қызметкерлердің енбектері мен оқушылардың білім алу жағдайларын жасауы тиіс;
- 8) еңбек нормасы мен еңбек ақы төлеу шарттарын дұрыс қамтамасыз етуі тиіс (мектеп жеке заңды тұлға болмағандықтан, мектеп қызметкерлерінің еңбек ақысын төлеу кепілдігі білім мекемесіне берілді);
- 9) мектептің барлық қызметкерлеріне уақытылы еңбек демалысымен қамтамасыз етуі тиіс;
- 10) мұғалімдерге оқу жылдарының соңында (еңбек демалысына кетер алдында) келесі жаңа оқу жылдары оқу жүктемесінің көлемін хабарлауы тиіс;
- 11) оқушылардың үлгермеушілік себептерін анықтау, оларға косымша сабақтар ұйымдастыруға көмектесуі тиіс;
- 12) мектепте қабылданған тәртіпке сәйкес мектептің ғылыми зерттеу жұмыстарының нәтижесін қолдану және беруді, зияткерлік меншікті, қызметтік және коммерциялық құпияны қорғау мен қолдануды қамтамасыз етуі тиіс;
- 13) мектепті қорғауды, қондырғылар мен құрылғыларды сакталуын, сонымен қатар оқу бөлмелеріндегі қажетті тәртіптің сакталуын қамтамасыз етуі тиіс; ғимаратты, мұлікті қорғау және оның өрт қауіпсіздігі мен санитарлық жағдайы мектеп директорының бұйрығымен әкімшілік-шаруашылық бөлімі және мектептің қауіпсіздік қызметінің жауапты тұлғаларына бекітілді;
- 14) мектеп директорының бұйрығымен азаматтарды жеке сұрақтары бойынша қабылдау уақытын белгілеуі тиіс.
- 15) аптаңың әр дүйсенбісі апталық жұмысты жоспарлау күні болып табылады.
- 7.4. Мектеп әкімшілігі өзінің міндеттерін білім мекемесінің Жарғысына, лауазымдық міндеттіне сәйкес жүргізеді.
- 7.5. Компьютерді және басқа да ақпараттық- коммуникациялық технологиялар мен ғаламдық Internet желісін қолдануда тиімді тәсілдерді менгеруі тиіс.
- 7.5. Мектеп ішінде қызметкерлерді ауыстыруды білім, білік дағдыларын қарастыру мақсатында арнайы комиссия мүшелігіне катысуға міндетті.

8. Мектеп директорының құқығы

8.1. Мектеп директоры:

- 1) Мектепті басқару бойынша әкімшілік-бөлу жұмыстарын жүзеге асыруға; мектептің барлық қызметкерлерінің орындауы міндетті бұйрықтар шыгаруға, нұсқаулар беруге;

- 2) ҚР Еңбек Кодексі мен басқа да занұлықтар шеңберінде қызметкерлердің еңбек шарттарының жобасын дайындауға;
- 3) Үлгілік ережелер қабылдауға;
- 4) Барлық қызметкерлердің өздеріне бекітіліп берілген еңбек міндеттерінің орындалуын және мектептің мүлкіне ұқыптылықпен қарауды, мектептің ішкі тәртіп ережелерін сақтауды талап етуге;
- 4) Мектептің атынан әрекет етуге және барлық мекемелер мен ұйымдар алдында мектептің қызығушылығын танытуға;
- 5) Мектептің штаттық кестесі мен құрылымының жобасын дайындауға және оны жоғары өкілетті орган алдында көрсетуге;
- 6) Тәртіптік тексеру жүргізуға;
- 7) Мектептің барлық қызметкерлеріне ҚР Еңбек Кодексінің шеңберінде тәртіптік жаза қолдануға құқылы.
- 8) Қызметкерлерді ішкі жағдайда ауыстыруды білім, білік дағдыларына қарай ауыстыруға, ірікеу жүргізуға құқылы.

9. Мектеп мұғалімінің міндеті:

- 9.1. Мектептің кезекші мұғалімдері сағат 08:00-ден кешікпей келіп, вахтердің болмесінен кілтті алып, әр кезекші мұғалім өз қабаттарындағы тәртіпті қадағалауға және сағат 15:25-де кезекшіліктерін аяктап, кілтті вахтердің кабинетіне тапсыруға міндетті;
- 9.2. Оку уақытын зия кетірмеуге, қоңырау соғысымен сабакты бастап, қоңырау соғысымен сабакты аяқтауға;
- 9.3.Әр сабакына сабак жоспарын әзірлеп, ұдайы мектеп әкімшілігіне тексеріп отыруға;
- 9.4.Барлық мектепте өткізілетін іс-шараларға ұдайы катысуға;
- 9.5.Директордың орынбасарларының тапсырған жұмыстарын орындауға;
- 9.6.Мектеп директорының бұйрықтарын уақытылы орындауға;
- 9.7.Мектепте талапқа сай киім ұлгісін киуге және екінші аяқ киім әкелуге міндетті;
- 9.8. Сынып жетекшісі мектеп директорының бұйрығына және оку жоспарына сәйкес аптасына 1 рет сынып сағатын ұйымдастыруға міндетті. Сынып сағатының жоспары жылына 1 рет жасалынады және 5 қыркүйекке дейін мектеп директорына тексеріледі;
- 9.9.Сынып жетекшісі сыныпты тәрбиелеу жұмыстарымен және сыныптан тыс шаралар жүргізіп отыруы тиіс.Жылына 4 рет ата-аналар жиналысын өткізуғе міндетті;
- 9.10.Сыныбы өткізген сыныптан тыс шараларға катысуга тиіс және окушылардың өміріне жауапты. Окушыларды сабак басталысымен қадағалауға міндетті.
- 9.11. **Kundelik.kz** электрондық журналын уақытылы толтырып, окушыларға бағаны дер кезінде қойып отыруға міндетті.

10. Жұмыс уақыты және оны пайдалану

10.1. Білім мекемесінде:

- 1) педагогтар құрамы үшін бес күндік, недагогикалық кеңестің шешімі

бұйрығымен бекітілген қоныраулар кестесінің болуы шарт.. Жалпы білім беретін орта мектепте сабак бір ауысымда жүргізіледі. Мектеп бес күндік оқу аптасы бойынша жұмыс істеді. Сабак ұзактығы 45 минут, сабак уақыты сағат - 8:30-да басталуы тиіс, бір ауысымда сабак үрдісі өткізіледі. Сабак уақыты: 1-ші сабак - 8:30-9:15; 2-ші сабак - 9:20-10:05; 3-ші сабак - 10:20-11:05; 4-ші сабак - 11:10-11:55; 5-ші сабак - 12:10-12:55; 6-шы сабак - 13:00-13:45; 7-ші сабак - 13:50-14:35; 8-ші сабак - 14:40-15:25;

10.2. Мектеп басшысының, оның орынбасарларының, басқа да басқарушы қызметкерлердің жұмыс уақыты білім мекемесіндегі басқарушылық әрекеттері камтамасыз ету қажеттілігіне сәйкес аныкталады.

10.3. Өзінің қызметтік міндеттерін жұмыс күнінің барысында үздіксіз орындастын педагог қызметкерлер үшін түскі үзіліс уақыты берілмейді. Білім мекемесінің қызметкерлерінің тамак ішуі білім алушылармен, тәрбиеленушілермен қатар жүзеге асырылады.

10.4. Оқытушылық құрам, жұмысшылар және қызметкерлер косымша жұмысты колданыстағы заңнамага сәйкес негізгі жұмыстан бос уақытта орындауы керек.

10.5. Директордың оқу-тәрбие жұмыстары жөніндегі орынбасары, сонымен қатар сынып жетекшілері сабак кестесінің сақталуын, жеке оқу-әдістемелік және ғылыми-зерттеу жұмыстарының жоспарларының орындалуын бақылайды.

10.6. Сабактың басталу және аяқталу уақыты мектеп қызметкерлеріне қоныраулар берілу арқылы хабарланады. Мектеп гимаратына кезекшілердің рұқсатымен жүзеге асырылады.

10.7. Оку кабинеттерінің кілттері құзет қызметінде сақталады, оларды алғандығы туралы қызметкерлер журналға кол кояды. Кілтті алған күні міндетті түрде қайта өткізу керек. Кілттерді уақытылы өткізбеу тәртіп бұзушылықка жатады.

10.8. Қызметкерлерге, мектеп әкімшілігіне, оқушыларға мектеп ғимаратында сырт киіммен, бас киіммен, журуге болмайды; дауыстап сөйлеуге, темекі шегуге тыбым салынады.

10.9. Мектеп әкімшілігі жұмыска келу және кету уақыттарды тіркеуді үйімдастыруға міндетті. Тіркеу орнында уақытты дәл көрсететін сағат болу жақет.

10.10. Жұмыска мас күйінде жұмыска келген қызметкер сол күнгі жұмыска жіберілмейді, әрі жұмыска келмеді деп есептеледі.

10.11. Жұмыска белгілі бір себептермен келе алмайтын мұғалім немесе басқа да қызметкерлер тез арада бұл туралы мектеп әкімшілігін немесе мектеп басшыларының біріне міндетті түрде хабарлауы тиіс.

10.12. Жұмыска келмеген мұғалімді немесе басқа да қызметкерді мектеп әкімшілігі оны басқа мұғаліммен (қызметкермен) тез арада ауыстыру туралы шара қабылдауы тиіс.

11. Жұмыс уақытындағы тәртіп

11.1. Жұмыс уақытында рұқсат етілмейді:

1) кызметкерлерді тікелей жұмысынан алаңдатуға; педагогикалық әрекеттерге байланысты емес әр түрлі шаралардан (әр түрлі семинарлар, спорттық жарыстар, көркемөнер сабактары, туристік сапарлардан және т.б.) және қогамдық жұмыстарды орындау барысында жұмыстан шыгаруға;

2) білім мекемесінің Жарғысында қаралған жағдайлар мен мектеп әкімшілігімен алдын-ала келісілмеген жағдайда қоғамдық шараларга байланысты әртүрлі жиналыстар, отырыстар өткізуғе болмайды.

11.2. Мектеп әкімшілігі мектептің калыпты жұмыс істеуіне жағдай жасауға, кызметкерлердің өз өтініштеріне сәйкес кезекті еңбек демалысын уақытын белгілейді.

11.3. Еңбек демалысының тізбесі ағымдағы жылдың 15 кандарына дейін дайындалып, әр кызметкерлерге жеке хабарланады.

11.4. Педагогтар құрамына кезекті еңбек демалысы жазғы каникул күндері беріледі.

12. Жұмыстағы және оқудағы жетістіктерді марапаттау

12.1. Өзінің кәсіби міндеттерін үздік орындағаны, еңбек онімділігін арттырганы, білім сапасын арттырганы, жұмыстағы жетістіктері үшін:

- а) алғыс жариялау; ә) сыйакы беру; б) бағалы сыйлыктар беру; в) мактау қағаздарын беру арқылы кызметкерлер марапатталады.

12.2. Марапаттаулар мектеп директорының бүйрығымен жүзеге асырылып, кызметкердің еңбек кітапшасына жазылады, әрі мектеп ұжымына таныстырылады.

12.3. Ең алдымен марапатталған кызметкерлерге кәсіби өсуіне жағдай жасалады.

12.4. Үлгерімі жақсы, ғылыми-зерттеу және қоғамдық жұмыстардағы белсенділігі үшін окушыларға алғыс жариялау, бағалы сыйлыктар мен мактау қағаздарымен марапатталады.

12.5. Марапаттау сынып жетекшілері мен жетекші педагогтардың ұсынысымен, мектеп директорының бүйрығымен жүзеге асырылады. Бүйрықтың көшірмесі окушының жеке іс құжаттарына тіркеледі.

13. Еңбек және оқу тәртібін сактау жауапкершілігі

13.1. Еңбек тәртібінің бұзылуы, яғни кызметкердің өзіне бекітілген еңбектің міндеттінің орындамауы немесе тиісті дәрежеде орындамағаны үшін тәртіптік немесе қоғамдық ықпал ету шаралары мен қолданыстағы заңнама шенберінде тәртіптік шара қолданылады.

13.2. Мектеп кызметкері еңбек тәртібін бұзганы үшін мектеп әкімшілігі (директор) Еңбек Кодексінде карастырылған келесі тәртіптік шара қолданады:

- 1) себепсіз өзіне еңбек шартымен немесе ішкі еңбек тәртібімен бекітілген міндеттерін жүйелі орындамағаны үшін, егер кызметкерге бұрын жұмыста болмағаны үшін, (сонын ішінде жұмыс күнінің барысында төрт сағаттан артық жұмыста болмағаны), есіріткілік немесе улағын есіріткі пайдаланып мас-

күйінде жұмысқа келгені үшін тәртіптік немесе қоғамдық жаза шаралары колданылса, онда жұмыстан шығарылады.

13.3. Жұмыстан шығару тәртіптік кенестің ұсынысымен білім мекемесі басшысының бүйрігі арқылы жүзеге асырылады.

13.4. Мектеп әкімшілігі тәртіптік шараның орнына мектептің тәртіптік кенесінің алдына еңбек тәртібінің сакталмағандығы туралы мәселе қоюға күкілі.

13.5. Тәртіптік шара қолданар алдында тәртіп бұзушы тұлға жазбаша түрде түсініктеме беруі кажет. Қызметкердің жазбаша түсініктеме беруден бас тартуы оған тәртіптік шара қолдануға кедергі келтірмейді.

13.6. Мектеп әкімшілігі тәртіптік шараны тәртіп бұзушылық орын алғаннан кейін немесе ол анықтамағаннан кейін, ауруына немесе еңбек демалысына байланысты жұмысқа келмеген уақытты ескермегенде, бір айдан кем емес уақытта қолдануы тиіс.

13.7. Тәртіптік шараны бұзушылық орын алғаннан кейін алты ай уақыт өткеннен кейін қолдануға болмайды. Бұл уақыт аралығына қылмыстық іс қозғау уақыты кірмейді. Әрбір тәртіп бұзушылыққа тек бір ғана тәртіптік шара қолданылады. Тәртіптік шара қолдану барысында қызметкердің мінезі, алдындагы еңбек тәжірибесі және тәртіп бұзушылық орын алған жағдай ескерілуі тиіс.

13.8. Қызметкер тәртіптік шара қолдану туралы бүйреккә үш күн ішінде танысқандығы туралы қол кояды. Қажет болған жағдайда бүйрекпен мектептің барлық қызметкерлері таныстырылады.

13.9. Егер қызметкерге тәртіптік шара қолданғаннан бастап бір жыл ішінде кайтадан басқа тәртіптік шара қолданылмаса, онда қызметкерге тәртіптік шара қолданылмаған болып есептеледі.

13.10. Мектеп әкімшілігі өзінің бастамасымен немесе мектеп ұжымының сұранысымен жаңа тәртіп бұзушылық орын алмаған және қызметкер өзін жауапкершілікпен ұстаган жағдайда бір жылдың өтуін күтпей-ак қызметкерден тәртіптік шараны алып тастау туралы шешім қабылдай алады.

13.11. Тәртіптік шара қолдану уақытында берілген ішкі тәртіп ережесінде көрсетілген марапаттаулар қызметкерге көрсетілмейді.

13.12. Окушы тәртіп ережесін бірнеше рет сактамаганы үшін, мысалы мектепке есірткімен, мас күйінде келгендігі, мектеп мүлкін әдейі жарамсыздық жағдайға әкелгендігі үшін мектептен шығарылады.

Жасөспірімді мектептен шығару бекітілген заң шенберінде жүзеге асырылады.

13.13. Тәртіптік шара тәртіп бұзушылық орын алғаннан кейін, ауырган немесе каникул күндерін ескермегенде, бір айдан кем емес уақытта қолданылады.

13.14. Егер окушыға тәртіптік шара қолданғаннан бастап бір жыл ішінде кайтадан басқа тәртіптік шара қолданылмаса, онда қызметкерге тәртіптік шара қолданылмаған болып есептеледі.

14. Білім беру туралы

14.1. Мектепте оку сабактары белгіленген тәртіpte бекітілген оқу жоспарлары мен оқу бағдарламаларына сәйкес дайындалған сабак кестесі бойынша жүзеге

асырылады.

14.2. Оқу жоспарларына сәйкес бекітілген каникул күндерінің уақытын қысқартуға болмайды.

14.3. Сабак кестесі оқу жылына дайындалады және оқу жылының басталуына кем дегенде 10 күн ішінде көрнекті жерге ілінуі тиіс.

14.4. Оқу жоспарының вариативті бөлігіндегі сабактарды өткізу бойынша жеке сабак кестесі дайындалып ілінеді.

14.5. Сабактың басталуы және аяқталу уақыты оқушылар мен мұғалімдерге қонырау арқылы хабарланады.

14.6. Сабактың басталғандығы туралы қонырау соғылғаннан кейін оқушының бөлмесіне мұғалімнің рұқсатымен ғана кіре алады.

14.7. Сабак басталғаннан кейін барлық бөлмелерінде сабактың калыпты өтуіне жақетті жағдай жасау үшін тыныштық пен тәртіп қамтамасыз етілуі тиіс.

14.8. Сынып жетекшілері әрбір сыныпта жақсы оқитын және тәртіпті оқушылардың бірін сынып төрагасын (төрайымын) тағайындауды.

Сынып төрагасы (төрайымы) тікелей сынып жетекшісіне бағынады, әрі оның тапсырмасын орындауды.

15. Мектеп аумағы мен бөлмелердегі тәртіп

15.1. Мектепте және мектеп аумагында бөгде адамдардың жүруіне қатаңтыйым салынады.

15.2. Мектеп аумагын көгалданыру және оқу бөлмелеріндегі тәртіптілікті сáктау (бүтін оқу күралдары мен жиһаздың болуы, калыпты температура мен жарықты қамтамасыз ету жауапкершілігі директордың әкімшілік-шаруашылық жөніндегі орынбасарына, сынып бөлмесі бекітіліп берілген мұғалімдерге жүктеледі).

15.3. Зертханалар мен оқу кабинеттеріндегі (физика, химия, спортзалы, компьютерлік сыныптар) кондыргылардың дұрыс жұмыс істеуіне, сабакқа жақетті оқу күралдарының дайындығына негізгі маман-педагогтар жауап береді.

15.4. Мектеп аумагы мен оқу бөлмелерінде а) спирт ішімдіктерін ішуге; есірткелік және токсиндік заттарды пайдалануға; ә) құмар ойындар (карта, және т.б.), соның ішінде компьютерлік ойындар ойнауга; б) темекі шегуге; в) сабак барысында дауыстап сөйлеуге тыйым салынады.

15.5. Ішкі тәртіп ережелеріне енгізілген өзгерістер мен толықтырулар мектептің педагогикалық ұжымымен бекітілді.

16. Мұғалімдерге және қызметкерлерге тиым салынады

16.1. Сабактың, қосымша сабактардың, курстардың сабак кестесін өздігінен өзгертуге;

16.2. Сабак уақытын өздігінен қысқартуға;

16.3. Сынып кабинетінен сабак уақытында оқушыны сыртқа шығарып жіберуге;

16.4. Мектеп аумагында темекі шегуге;

- 16.5. Оқушыларды кабинетте жалғыз қалдыруға болмайды;
- 16.6. Басқа қызметкерлерге дауыс көтеруге қатан тиым салынады;
- 16.7. Пән мұғалімдерінің орнына өздігінен сабак беруге.

Мектептің жалпы ішкі ережелеріне өзгеріс енгізу кәсіподак комитетінің, ата-аналардың, мектеп мұғалімдерінің келісуі арқылы ғана жүзеге асады.